



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Pistoriensi Episcopo.

**urn:nbn:de:hbz:466:1-20020**

cium æquitatis. Quia verò Legatus eundem Episcopum habens de dilapidatione suspectum, ipsum, ut dictum est, à temporalium administratione suspendit, nos episcopatui pariter & Episcopo paterna volentes sollicitudine providere, mandamus quatenus interim eandem administrationem aliquibus de Capitulo Ecclesiae Tervisinae utilibus & idoneis ad hoc auctoritate apostolica committatis, qui proveniens episcopales & alia colligentes fideliter & servantes, necessarias & moderatas expensas de ipsis proventibus Episcopo sine difficultate ministrent, omnem omnino alienationis speciem interdicentes eisdem, recepto ab eis super hoc corporaliter jura mento. Si verò dictus Guertius aut foro ejus possessiones seu alia bona Ecclesiae Tervisina temere occupavit, vos ad restitutio nem earum per censuram ecclesiasticam appellatione remota veritate cognita compellatis. Quod si non omnes &c. duo vestrum &c. Datum Laterani 111. Nonas Ianuarij, pontificatus nostri anno decimoquinto.

PISTORIENSI EPISCOPO.

Eps. 198  
Confirmat cō-  
fuetudinem  
quandam Ec-  
clesie Pisana.

**V**enerabilis frater noster Pisanus Archiepiscopus per suas nobis litteras intimavit quod in ejus Ecclesia fuit ab antiquis temporibus observatum ut nullus in Canonicum reciperetur ejusdem nisi prius Ecclesiis, si quas haberet in Pisana dioecesi, resignatis; ut per hoc subtraeta eis evagandi materia, quasi necessitate interposita residendi, sedula ipsi Ecclesiae obsequia exhiberent. Nunc autem Canonicus ejusdem Ecclesiae querentes quae sua sunt, non quae Christi, per amicos suos ambitiosè procurant ut ad Ecclesias quas in praefata dioecesi vacare contingit contra dictam confuetudinem elegantur. Propter quod Pisana Ecclesia debitis obsequiis defraudatur, & erga eam populi devotio refrigerescit. Vnde nobis humiliter supplicavit ut V. Pisano Canonicus, qui nuper est in Plebanum Ecclesiae Calcensis electus, super eadem silentium imponentes, praefatam confuetudinem observari firmiter faceremus; praesertim cum ex Ecclesia Pisana proventibus ejusdem Canonicus valeant congrue sustentari. Quocirca mandamus quatenus sollicitè de confuetudine inquiringens praefata, si eandem fuisse talem constituerit, & Ecclesia memorata proventus ad congruam provisionem Canonicorum sufficiunt praedictorum, præcipiens eandem confuetudinem inviolabiliter obser-

vari, jam dicto Canonico super plebejam dicta perpetuum silentium sublatu appellationis impedimento imponas. Testes autem qui fuerint nominati &c. Tu denique frater Episcopo &c. Datum Laterani 11. Non. Ianuarij, pontificatus nostri anno decimoquinto.

EPISCOPO MELDENSI,  
sancti Pharonis Meldensis & de Latiniaco  
Parisenis diocesum Abbatibus.

**I**n suante Mathilda nobili muliere quondam uxore inclytæ recordationis Philippi Comitis Flandrensis nos accepisse noscat quod cum H. mercator in nundinis Insulae à quibusdam suis creditoribus

Eps. 199.  
Adversus frag-  
dem crucelg-  
natorum.

super debitis traheretur in caulam, res suas de mandato judicium ejusdem loci detentas petuit in pace dimitti, afferens in eodem foro se juri per omnia paritum. Cumque respondere coepisset sub examine Scabinorum, & uni satisficerit creditori, ut instantiam eluderet alterius debiti non modicum exigentis, signum crucis vesti, non menti, latenter affixit, nitens ob hoc iudicio se subtrahere inchoato. Iustitiarius autem, ne dolus illius loci ejusdem servatae diutius ac juramento firmatae fraudem pareret in posterum, & ipse de sua malitia commodum reportaret in alterius detrimentum, ipsum modo detinuit consueto, quoque tradidit creditori vinculis astringendum, ut bene detenus redderet quod fugitivus nifus fuerat asportare. Cujus facti occasione venerabilis frater noster Remensis Archiepiscopus memoratum locum supposuit interdicto, personam praefatae nobilis excommunicari tamque terram illius interdicti præcipiens nisi prænominatum H. de sui creditoris manibus eriperet violenter. Propter quod eadem nobilis ad apostolice sedis recurrent auxilium, à nobis in hoc suæ provideri justitiae postulavit; maximè cum nihil habeat, sicut dicit, in dioecesi Archiepiscopi memorati. Nolentes autem quod eadem nobilis sui juris dispendium patiatur, discretioni vestrae per apostolica scripta mandamus quatenus cum ipsa se afferat nihil habere in Remensi dioecesi ratione cuius praefati Archiepiscopi debeat jurisdictioni subesse, nisi per appellationem fuerit ad eum causa delata vel extiterit delegatus, cum Legatus non fuerit, ram interdicti quam excommunicationis sententias supradictas cognita veritate, appellatione remota, denuntiatis penitus esse nullas. Alioquin ab eadem nobili quod juri